

續
文
獻
通
考

續文獻通考卷之二百十九

皇明進士雲間王圻纂輯

象緯考 星變至虹蜺

宋寧宗嘉定十一年五月癸酉蚩尤旗見其長竟天 八月木星留守東井占爲三軍大起是年金人犯棗陽 十四年八月長星見西方 十五年八月長星見西方 蒙古耶律楚材謂其主曰女直將易主矣

理宗景定元年五月熒惑入南斗留五十餘日

遼聖宗統和八年三月庚辰太白熒惑聞凡十有五次 道宗咸雍元年十一月有星如斗逆行隱隱有聲 十二月壬子熒惑與月並行自旦至午

金太宗天會七年十一月甲寅天旗明河鼓直

海陵貞元二年四月戊寅有星如杯白氐入于天市其光燭地

世宗大定二年十月戊辰有大星如太白起室壁間没于羽林軍尾跡長丈餘

哀宗正大七年十二月庚寅有星出天津下大如鎮星而色不明初犯輦道二日見于東北在織女南乙未入天市垣戊申方出癸丑歷房北復東南行入積薪凡二十五日而滅

元成宗大德元年八月丁巳秋星出奎

順帝至正十年六月壬子有星入于北斗大如月震聲如

雷三日復還 十四年夏赤星見岳州 十八年三月
丁卯太白在井宿失行於北生芒角 十二月太白生
黑芒環繞乍東乍西乍動乍靜癸未復生黑芒忽明忽
暗乍東乍西 二十二年四月朔長星見其形如練長
數十丈在虛危之間四十餘日乃滅 丁亥熒惑離太
陽三十九度不見當出不出 二十四年六月甲辰火
星夜見如晝

皇明

太祖洪武三十年丁丑夏五月庚申夜有星大如鷄尾有
光自天厨入紫微垣後有二小星隨之至游氣中沒
上觀天象占在北虜遂 勅晉代遼寧谷諸王慎防邊

郵

宣宗宣德五年冬十月夜有蓬星八日始滅

景皇帝景泰四年癸酉夏五月乙丑有星出鈎陳北二小
星隨之

世宗嘉靖八年秋七月長庚氣如匹布亘天

流星星隕星搖

宋

寧宗嘉定七年四月流星出自軫宿

理宗寶慶元年七月癸巳有流星大如太白 二年四月

辛亥有流星大如太白 紹定元年六月己酉流星盡

隕 三年十一月丁未流星盡隕 四年九月甲辰滅

星書隕

五年閏九月有流星大如太白 端平二年

四月戊子夕有流星見出太白 六月庚辰流星書隕

嘉熙元年五月辛未流星出左角大如太白 二年

五月辛卯有流星大如太白 四年二月辛丑有流星

書隕 淳祐七年大星隕於襄陽境是日孟拱卒 四

年四月有流星大如太白出尾距星 景定二年六月

壬子流星久墜 三年四月甲辰有流星大如杯

吏部尚書魏了翁奏曰臣伏見比日以來天文示異何

其禍也六月流星書隕其占爲覆軍爲陰謀越十七日

己丑熒惑入太微垣其占爲饑爲逆爲喪七月戊戌太

白經天其占爲兵爲臣強此金火二星之變至於今未

退也而火迫內垣尤爲急切越六日丙午以後金星行
入東井夫孽非天作變不虛生陛下亦思所以省已愆
回天心乎漢相王嘉謂動民以行不以言應天以實不
以文下民微細猶不可詐况於上天神明而可欺乎人
皆以爲至言臣謂如此言者在二漢以來絕少抑不知
民與天一也安有爲欺民之事而可以應天亦安有爲
欺天之事而可以動民者此猶未免於擇焉不精然其
立言之大意則固已深中乎千有餘年應天動民之實
病矣臣每見近年以來群臣封章多言陛下每遇祀饗
必遙開霽每有祈禱無不響答而臣以爲此特淺淺之
爲見耳大水大火大兵大盜無歲無之而不此之問姑

以今年所聞如正月而徐邳罷寧二月而惠寇作三月而黃陂逐將四月而建卒違命五月而禁衛失伍六月而京口起禍七月而高郵阻兵封章奏疏非不多矣而不以是爲異也不特此也雖乾文示異無月無之亦能盡徹於陛下之聽乎陛下聞災異聞變故未嘗不知畏懼也而臣猶有疑於動民以言應天以文則民未可得而動天未可得而應也天未可應臣何以知之以民未可動知之耳民未可動何以知之臣半年之間涉萬里長途所接州縣民吏語及親政未有能深信者至江淮以來則憂危之語日聞以此知民未可以虛言動也民未可動則天決不可以虛文應也惟陛下實體而篤

行之

恭帝德祐二年有二星闕於中天一星隕

帝昺祥興元年有大星南流海中小星千餘隨之聲如雷
數刻乃已 八月有星墜廣州南初隕色紅大如箕中
爆裂爲火既墜地殷如鳴鼓一時頃止

遼太祖天顯元年七月甲戌火扶餘府是夕大星隕於惺
前越日帝崩

太宗會同二年檢校太師趙思溫家有星隕于庭思溫辛
酉年五月癸丑大星書隕 九月庚子西京星隕如
雨 大同元年四月甲子帝次赤岡大星隕于旗鼓前
是月崩

金

太宗天會七年七月己巳昏有大星隕于東南如散火

熙宗天會十四年三月丁酉夜中星搖九月癸未

大如缶起西南流于正西十一月己巳狼星搖

正隆三年正月丁亥有星星如杯長二丈餘其光燭地出太微没于梗河之北

世宗未即位時有大星流入留守第中是年梁水暴漲水與城等世宗舉酒酬之而退

章宗泰和六年八月癸丑夜半有流星如太白其色赤起于昴宿八年十一月庚子未刻有流星如太白者二光芒如炬幾一丈起東北没東南

衛紹王元年正月辛丑有飛星如火起天市垣尾跡如赤龍之狀移刻散 二年正月庚戌朔日中有流星出大如盆其色碧西行漸如車輪尾長數丈没于濁中至地復起光散如火移刻乃滅

宣宗貞祐三年七月庚申有流星如太白其色青白有尾出紫微垣北極之旁入貫索中 四年正月乙卯夜中天有流星大如斗色赤長丈餘墜於西南其聲如雷

興定元年十月癸丑夜有流星大如盃長丈餘自軒轅起貫太微没于角宿之上 二年八月壬戌有流星大如杯尾長丈餘其光燭地起建星没尾中一云自東北至西北而墜其光如塔長先有聲如風後若雷者三應紙

皆震 三年七月壬寅初昏有星自西南來其光燭地
狀如月而稍不圓色青白有小星千百環之若迸火然
墜于東北少頃有聲如鼓

元

世祖至元十二年十二月丙申有大星隕于東北庚子伯
顏卒 十七年十一月十九夜有大星隕于肅希憲正
寢之旁流光照地久之方滅是夕希憲卒

成宗大德元年六月有星隕于崇仁縣化爲圓石綠色

三年九月壬辰流星色赤尾長尺餘其光燭地起自河
鼓没于牽牛之西有聲如雷 五年十月辛卯夜有流
星大如杯色赤尾長丈餘光燭地自北起近東徐徐而

行分爲二星前大後小相離尺餘沒於危宿

武宗至大元年七月庚申流星起自勾陳南至於大角傍尾跡約三尺化爲白氣聚於七公南行圓若車輪微有銳至貫索始滅

泰定帝四年十月乙巳晝有流星時有大星隕於礪嘉縣之虛初山爲黑石狀如東灰上有點如星擊之鏘然有聲人不言舉之則動言則弗動土人以爲怪積薪焚之雷雨交作乃止

順帝元統二年七月己酉夜流星如酒杯大色赤尾跡約長五尺餘光明燭地起自天津之側沒於離宮之南至元四年九月癸酉奔星如酒杯大色白起自右旗之

下西南行沒於近濁 至正十一年正月丁卯星隕蘭陽 十六年十一月丁亥流星如酒盃大色青白尾跡約長五尺餘光明燭地起自西北東南行沒於近濁有聲如雷 是月大名路大名縣有星如火自東南流星如曳筭墜入于地化爲石青黑光瑩狀如狗頭其斷處類新割者有司以進太史驗視云天狗也命藏于庫十七年閏九月癸卯飛星如酒杯大色青白光明燭地尾跡約長尺餘起自王良沒于外陰之下 十二月己亥申時流星如金星火尾跡約長三尺餘起自太陰近東往南行沒後化爲青白氣 十九年正月癸丑流星如酒杯大色赤尾跡約長五尺餘起自南河沒于騰蛇

其星將沒迸散隨落處有聲如雷 十月辛巳流星如

桃大色黃潤後離一尺又一小星相隨色赤尾跡通約
長三尺餘起自危宿之東緩緩東行沒于畢宿之西

二十年閏五月乙亥流星如桃大色赤尾跡約長丈餘
起自房宿之側緩緩西行沒於近濁 二十二年九月

己巳流星如酒杯大色青白光明燭地 二十三年七

月慶元星墜聲如雷光數十丈久之乃滅 二十四年

六月丁未星隕 二十五年五月流星如酒杯大色青

白光明燭地起自房宿之側緩緩西行沒于太微垣右

執法之下 二十六年六月癸酉流星如酒杯大色青

白尾跡約長尺餘起自心宿之側東南行光明燭地沒

於近濁 十一月己丑流星如酒杯大分爲三星聚相
隨前星色青明後二星色赤尾跡約長二丈餘起自東
北緩緩往西南行沒於近濁 又星隕石州大如斗
二十八年三月庚寅有星流于東北衆小星隨之其聲
大震 七月六日夜松江孫元璘自平江歸泊舟城西
柵口方掀蓬露坐忽見一星大如杯碗色白而微青尾
長四五丈光歛燭天晏然有聲由東北方飛入月中而
止此時月如仰瓦正乘之無翳奇若人以手合置其中

者

皇明

太祖洪武三十一年九月長星西隕有聲如雷

英宗正統元年丙辰秋九月修狼星動搖

憲宗成化元年春正月己酉朔夜有流星光燭地自左攝
提東南行至天市西垣 四年七月己未夜北方有派
星青白色光明燭地自閣道旁西北行衝勾陳尾跡後
始散 六年冬十月丙午夜東方流星赤色光明燭地
自昴宿東北行至井宿 十六年九月辛丑夜有流星
如大蓋赤色光芒燭地自婁宿西北行至霹靂旁尾跡
散 二十一年乙巳春正月星隕有聲 詔求直言工
部主事張吉中書舍人丁幾進士敖毓元並謫官 二
十三年冬十月丙子有大星飛流亘天 詔求直言是
星起西北亘東南光芒燭地蜿蜒如龍 朝宁之間人

馬辟易時 孝宗初卽位

孝宗弘治七年五月宣府山西河南俱星隕

武宗正德元年丙寅春三月星隕如月 八月大角大火

中星動樞天璇天機天權星晦 二年六月欽天監五

官監侯楊源泰大房及心宿中星耀動天璇天機天權

俱不明 十二年秋九月 上幸大同獵陽和星隕雨

雹

世宗嘉靖十一年壬辰春正月元旦夜星隕如斗聲如雷

三月初八肅州衛星落有聲 十月初七夜福州府

星四亂飛落 十二年冬十月辛巳星隕如雨 十二

年九月蜀建昌衛有火星如車輪從北方出流行帶有

尾至南方散漫聲如雷地微震 二十年冀州棗強縣
午時天鼓鳴星隕爲石者四 四十年六月朔日昏中
有星流牛女間墜地如鷄子光燭天

穆宗隆慶元年丁卯冬十二月初七日丑時西寧衛有星
光從正北起往西南落地時天鼓鳴從西南方起往東
北止 二年春正月初九日未時新城縣空中迅響三
次若雷二聖廟前天鼓鳴三塊西南六十餘步落火光
一塊陷地一尺地出黑石一片如碗大識者以爲星隕
同日許家庄亦天鼓鳴三次有一星落地陷一孔如拳
大炮出石一斤黑色秤重二斤十四兩 冬十一月丁
丑山西太原府成時有星如斗大尾長二丈餘從東北

起往西南去隨聞天鼓之聲是日夜交城縣有一星落
且火光自東北往西南落亦天鼓鳴

今上萬曆二十年六月陝西巡按劉芳譽奏星變災荒等
事據涼莊遊擊范良材揭報五月初六日夜從西北方
一星如斗大流至東南方落帶小星四顆皆紅綠色尾
長二三丈七月初四日福建巡按張一本奏恭報地
方隕星雹雨二十一年二月永平臺頭路青山口守
臺千總王文忠呈稱本月十九日一更時分本臺東北
有星飛來大如敵臺炯炯有聲餘光若筆約長二十餘
丈投下本臺西南崖下星光照地香爐山鮎魚上兩墩

星晝見

宋

寧宗開禧三年太白晝見時金人陷隨州 嘉定七年八月乙巳太白經天 九月壬戌朔太白晝見 九年五月癸丑朔太白晝見 十年六月癸酉太白經天 十二年二月戊戌太白晝見三月丁亥又見六月辛卯經天 十七年六月丁卯朔太白晝見經天

理宗寶慶元年六月辛卯太白晝見 紹定五年四月丁丑太白晝見 端平二年四月丁亥太白晝見 嘉熙二年五月辛巳太白晝見 淳祐三年六月戊辰太白晝見 五年二月壬辰太白晝見經天 十一年七月壬午太白晝見經天 寶祐二年九月丁卯太白晝見

五年七月己未太白晝見 開慶元年六月壬寅太白晝見 景定五年己亥太白晝見經天

遼聖宗統和八年十月丁酉太白晝見

道宗咸雍三年七月熒惑晝見凡三十五日 大安四年正月甲寅太白晝見

金

熙宗天會十三年正月辛巳太白晝見凡四十餘日伏

天眷二年五月戊子八月丁丑太白俱晝見 皇統七

年正月丁亥七月己巳太白俱經天 八年十月甲申

太白晝見 十一月壬辰太白經天 十二月丙寅太

白晝見

海陵天德二年九月乙亥太白晝見至明年正月辛卯後
不見 四年正月癸卯五月己亥丁巳十二月乙卯朔
閏月己亥俱太白經天 貞元元年十二月乙卯閏
月乙酉俱太白經天 二年正月庚申太白經天 七
月癸丑太白晝見凡三十有三日伏 正隆二年正月
庚辰太白晝見凡六十七日伏 九月己未太白經天
至明年正月二十一日不見 四年十二月太白晝見
經天凡七日 五年二月丁卯太白晝見四月甲戌復
見凡百六十有九日乃伏 先是海陵問司天提點馬
貴中曰朕欲自將伐宋天道如何貴中對曰去年十月
甲戌熒惑順入太微至屏星留退西出占書熒惑中以

十月入大微庭受制出何無道之國又去年十二月太白晝見經天占爲兵喪爲不臣爲更主又主有兵兵罷無兵兵起 六年九月丙申太白晝見

世宗大定二年正月癸巳太白晝見 三年正月庚子太白晝見凡百有十日乃伏 七月庚戌太白晝見百二十有七日乃伏 八月丙寅太白晝見經天 十一月庚寅太白晝見經天凡二十四日伏 四年十二月辛卯太白晝見經天 六年四月辛丑太白晝見八十有八日伏 六月太白晝見辛巳經天 九月壬子太白晝見百有三日乃伏丙辰經天 十月壬辰 十一月庚申 十二月戊子俱晝見經天 七月十一月壬申

太白晝見九十有一日伏丁丑歲星晝見二日八年
三月己丑太白晝見百五十有八日伏五月丁卯歲
星晝見九年十二月太白晝見十有六日伏十一
年八月癸卯太白晝見十二年八月丁亥太白晝見
在日前九十有八日伏十月己酉歲星在日後四十
有七日伏十三年閏正月辛酉太白晝見四十有九
日伏十月乙丑歲星晝見于日後五十有三日伏
十四年三月辛丑太白歲星晝見十有八日伏丙辰二
星經天凡二日六月己未太白晝見三十有九日
八月己卯晝見又百三十二日乃伏十月丙寅歲星
晝見六日十一月甲子太白晝見八十有六日伏

十六年五月甲寅太白晝見五十有四日伏 十七年
十二月己巳太白晝見四十有四日伏 十九年四月
丁巳歲星晝見凡七日 七月丙子太白晝見四十有
五日伏 二十一年二月戊戌 三月甲子太白晝見
二十二年五月甲申太白晝見六十有四日伏 七
月戊子歲星晝見二日 八月戊辰太白晝見百二十
有八日其經天者六十四日 二十三年九月甲申歲
星晝見五十有五伏 十月辛酉太白晝見百四十
有九日乃伏 十一月丁卯歲星晝見三十有三日伏
閏十一月庚申歲星晝見九十日伏 二十四年四
月己未朔太白晝見百四十有五伏 九月甲辰

歲星晝見凡五十二日伏 二十五年十一月庚辰朔
歲星見在日後凡七十四日壬子 太白晝見在日後百
十有一日乃伏 十二月甲子太白晝見經天 二十
七年六月庚辰太白晝見百七十有三日乃伏 七月
丙午太白晝見經天 二十八年十一月庚子太白晝
見在日前四十有九日伏 二十九年五月庚寅朔太
白晝見在日後

章宗明昌元年二月丁亥太白晝見 二年十一月乙丑
金木二星見在日前十三日方伏而順行 四年八月
己亥卯初三刻歲星見未正二刻太白見俱在午位
五年十一月癸丑太白晝見在日前三十有三日伏

六年正月庚寅太白晝見在日前百有二日伏 六月
庚辰復晝見日後百六十七日惟是日經天 承安元
年九月壬午太白晝見在日前百有七日伏 二年二
月丁巳太白晝見在日後百九十有五伏巳未經天
太和三年六月戊戌太白晝見在日後百有十日伏
六年五月甲申太白晝見在日前七十有六日庚戌
經天 六月辛未歲星晝見在日後七日戊申經天
八月巳未卯正初刻太白晝見在日前庚申卯正初刻
太白晝見在日後壬申太白晝見經天在日後 八年
七月戊戌朔太白晝見經天在日後

衛紹王火安元年二月乙丑朔太白晝見經天 崇慶元

年正月日正午日月太白皆相去咫尺

宣宗貞祐二年九月丁亥太白晝見于軫 三年十二月

庚寅太白晝見于危八十五日伏 四年四月丁酉太

白晝見于奎百九十有六日伏 六月丙申歲星晝見

于奎百日伏 興定元年四月戊辰太白晝見于井百

六十有二日伏 八月戊申歲星晝見于昴六十有七

日伏 十一月丙戌太白晝見 三年五月壬子太白

晝見于參三十有六日經天又百八十四日乃伏 八

月己巳歲星晝見于柳百有九日乃伏 四年六月己

巳太白晝見于張百八十有四日乃伏 十一月壬辰

歲星晝見于翼六十有七日 五年正月辛丑太白晝

見于牛二百三十有二日乃伏 時司天夾公德玉等
奏以爲臣強之象請祭以禳之宣宗曰斗牛吳分蓋宋
境也他國有災吾何禳乎 十二月戊戌鎮星晝見于
軫己亥太白晝見于室 六年七月乙亥太白經天與
日爭光

元

憲宗六年六月太白晝見

世祖至元二十四年十一月庚子 十二月丙寅俱太白
晝見 二十六年七月戊子太白經天四十五日 八
月辛未歲星晝見 三十一年四月戊申八月庚辰九
月丁巳俱太白晝見

成宗元貞元年十月辛酉太白晝見 十一月甲戌太白
經天 二年正月丙戌太白晝見 大德元年六月乙
未太白晝見 十月戊午十一月戊子十二月甲辰俱
太白經天 六月壬申歲星晝見 二年十二月戊午
太白經天 三年正月丙戌太白經天 六月壬申歲
星晝見 七年九月丙寅太白晝見十月丁亥十一月
己未十二月丙戌俱太白經天 九年七月甲寅十月
丙戌十一月丙寅十二月壬申俱太白經天 十年十
二月壬寅太白晝見

武宗至大元年十一月庚申太白晝見 三年三月戊辰
太白晝見 十月甲辰朔太白經天 四年十二月庚

辰壬辰太白俱經天

仁宗皇慶元年四月丙子太白晝見庚寅太白經天二年七月辛卯太白晝見乙未丙辰復見丁巳經天八月戊午朔太白晝見延祐二年正月己未二月戊子太白俱晝見癸巳經天五月庚午六月甲申太白晝見三年九月癸丑太白晝見丙寅經天六年十月庚午太白晝見

英宗至治元年六月辛酉十月甲辰三年五月戊戌俱太白經天

泰定帝泰定元年十二月太白經天復入斗三年七月戊辰太白經天至千十二月四年九月己巳太白經

天至千十二月 致和元年二月壬戌太白晝見

文宗天曆元年六月丁未太白晝見 七月癸亥太白經

天 至順二年二月壬子太白晝見 五月辛丑太白

經天 六月太白晝見

順帝元統元年正月癸酉太白晝見 二月戊戌如之

二年二月丁亥四月丁丑太白俱經天戊寅太白晝見

辛巳壬午皆如之 七月己亥太白經天甲辰丙午皆

如之己酉太白晝見庚戌癸丑甲寅俱太白經天 八

月丙辰丁巳戊午己未癸亥丙寅戊辰辛未壬申癸酉

甲戌丁丑己卯庚辰俱經天 九月庚寅甲午乙未己

亥壬寅俱經天 十一月甲申太白經天丙戌亦如之

十二月甲子丙寅丁卯庚午壬申皆如之癸酉歲星
晝見乙亥太白歲星皆晝見戊寅太白經天歲星晝見
二年二月甲申太白經天 五月丙辰太白晝見丁
巳如之 三年四月庚子太白晝見 五月戊申戊午
辛酉如之 六月庚午太白經天辛未甲戌巳卯太白
經天壬午太白晝見巳丑庚寅亦如之 七月癸卯太
白經天乙巳丙午復如之庚戌太白晝見甲寅太白晝
見經天辛酉太白晝見壬戌太白經天癸亥甲子皆如
之 十月庚午太白晝見丁亥庚寅辛卯丙申如之
十一月丁酉太白經天巳亥丁巳戊午癸亥甲子乙丑
皆如之 四年十二月癸卯太白經天巳酉庚戌辛亥

丙辰皆如之 五年七月甲戌太白經天乙亥丙子戊寅乙酉丙戌皆如之 八月戊子巳丑庚寅辛卯戊戌巳亥壬寅甲辰太白俱經天 九月戊午巳未亦如之 六年六月癸卯巳酉辛亥太白俱晝見 七月甲寅丁丑壬戌癸亥乙丑丙寅癸酉復如之 至正元年正月甲戌太白晝見乙亥丙子丁丑及二月巳卯庚辰丙戌復如之 二年五月甲申太白經天丁酉及八月丙午後復晝見 十年七月辛未太白晝見壬申丁丑壬午至八月癸未丁酉九月癸丑皆如之 十一年十一月巳丑太白晝見 十一月丁卯十二月丙子如之丁丑辛卯太白經天壬寅太白晝見 十二年三月戊辰

太白晝見 十三年閏二月太白屢經天 七月戊辰
太白晝見 九月壬辰十月庚子太白俱經天 十五
年閏正月丙辰太白經天五月癸丑六月癸亥如之
八月戊寅太白晝見九月乙丑庚寅如之 十八年七
月戊申太白晝見 十二月戊寅太白經天 二十一
年六月甲辰太白晝見 二十三年二月戊戌太白晝
見庚子至五月壬午甲午六月壬戌七月乙酉丙戌辛
卯八月己酉壬子己未俱如之 二十四年六月癸卯
三星晝見白氣橫突其中 九月乙丑太白晝見 二
十五年正月丁卯太白晝見戊辰如之 二十六年七
月甲午太白經天甲辰太白晝見丙午丁未戊申皆如

之 八月辛亥太白晝見 二十七年十一月戊寅太白晝見

皇明

太祖洪武元年三月壬申太白晝見 九月上遣吳英往北平諭徐達曰七月火星犯上將此月金星又犯之占有奸人刺客當謹備之可徧諭諸將一體嚴密雖左右將校勿令相近其故元闢官尤宜防範惟南去者可以使令 十六年四月太白經天 十八年秋九月戊寅太白經天 十九年秋七月癸亥三辰晝見 二十年丁卯春二月五星皆見 夏五月丁丑三辰晝見 六月太白經天 二十六年癸酉夏四月太白經天

景皇帝景泰二年秋八月癸亥奏見 四年夏五月丁丑
歲星晝見 六月甲辰歲星又晝見

憲宗成化十一年五月己未金星晝見于巳 十八年九
月庚戌金星晝見于申

孝宗弘治十八年乙丑秋九月恒星晝見

武宗正德元年七月太白經天五星陵犯星斗晝見

世宗嘉靖十九年十二月戊午太白經天 三十五年肅

州天鼓鳴有星晝見自西至東有聲 四十三年六月

十七日有星在日輪外白色燦然或云此即太白晝見

也

穆宗隆慶元年七月金星晝見乙亥夜月犯畢宿右股北

第一星 十月甲申夜金星入南斗 十一月甲午辰刻有流星如盞大青白色自中天東行尾跡有光長二丈餘 二年正月甲寅金星晝見 七月金星辰見南方 四年十一月金星晝見三日

五星會舍

宋

寧宗慶元三年八月金木火三星會於翼

理宗寶慶二年二月壬午太白歲星填星合於女 十一

月熒惑填星合於女 三年八月甲戌太白熒惑合於

翼 紹定元年十月丁巳熒惑填星合于危 二年正

月丁亥熒惑歲星合于婁 三年二月乙酉太白歲星

合于畢 六年六月熒惑填星合于胃 端平三年六月癸卯熒惑填星合于畢 三年四月庚子熒惑歲星合於危 五年四月庚午太白歲星合于婁 八月壬辰熒惑填星合于昴

金

熙宗皇統九年七月甲辰太白辰星歲星會于張

世宗大定四年正月戊子熒惑歲星同居氐 十七年九

月庚戌歲星熒惑太白聚于尾 二十二年十二月癸

未熒惑太白皆出氐中 二十四年十月壬申太白辰

星同度 二十六年八月乙亥朔日月五星會于軫

泰和八年八月壬戌太白歲星光芒相及同在張一度

哀宗正大三年十一月癸酉五星並見于西南 天興元年七月乙巳太白歲星熒惑太陰俱會于軫翼司天武亢極言天變上惟嘆息而已 八月甲戌太白歲星交元

太宗癸卯年夏五月五星聚見於西南

世祖至元十五年十一月辛亥太白熒惑填星聚于房

二十八年正月壬寅太白熒惑填星聚奎

成宗大德二年二月辛酉歲星熒惑太白聚危 五年三

月己巳熒惑填星相合 六年七月癸巳朔熒惑填星

辰星聚井 九年十一月庚戌歲星太白填星聚于亢

仁宗皇慶元年十二月甲申熒惑填星聚于井

英宗至治元年正月甲辰星太白熒惑填星聚于奎宿
二月壬午如之 二年十二月乙丑太白歲星熒惑聚
於室 三年二月癸亥熒惑太白填星聚於胃宿
泰定帝泰定二年二月庚寅熒惑歲星填星聚於畢宿
三年三月庚午填星歲星聚於井

順帝至正二月十一月辛卯歲星熒惑太白聚於尾宿

十三年正月戊戌熒惑太白辰星聚於奎宿 二十一
年六月乙未熒惑歲星太白聚於翼宿 二十四年七
月癸亥太白與歲星相合於翼宿二星相去八寸餘
二十五年七月丁丑填星歲星熒惑聚於角亢 閏十
月戊辰太白辰星熒惑聚於斗宿 二十六年十一月

丙申太白歲星辰星聚於尾宿 二十七年十月丁卯
歲星太白熒惑聚於斗宿

皇明

世宗嘉靜三年甲申春正月九日丙寅歲填次營室丙子
五星咸聚辛巳日纏室初及月食于翼五星皆伏而太
白獨先過壁光祿少卿署以天監事樂護上言占書云
五星之聚是謂改易王者德受慶子孫蕃昌無德受
殃失其國家百姓流亡又天下兵謀則五星聚營室
故聚房周祚以昌聚箕齊世用霸漢興聚井宋盛聚奎
天寶聚於尾箕而唐德弗久旋有祿山之禍 皇上聖
德中興五星適聚宜易簡欲以脩德儉用節財以惠

民而夷狄盜賊尤宜加謹 上納之 十九年冬十月
水土金星聚于角

瑞星

遼穆宗應曆十一年二月丙寅蕭思溫奏老人星見乞行
赦宥 十三年二月乙巳老人星見 十五年正月老
人星見

聖宗統和元年十月癸未司天奏老人星見 三年七月
丙寅老人星見

金熙宗皇統三年八月丙申老人星見

皇明

成祖永樂十四年八月癸酉旦壽星見呂震率文武百官

請上表賀 上不許 十五年七月戊寅旦壽星見
官請賀 上曰此歲壽星見卿等以爲瑞致賀然四方
旱澇蝗疫比比有之而鮮爲朕言者朕之所願時和歲
豐天下之人俱得其所賢者在位讒慝不作百官舉任
其事政平訟理國家清明此可爲瑞壽星之瑞不足賀
也

宣宗宣德五年冬閏十二月二十夜合舉星見于九旂大
如彈丸色黃白光耀有羣群臣表賀

客星

宋理宗嘉熙四年七月庚寅客星見于尾

遼道宗咸雍元年八月客星犯天廟詔諸路倘盜賊嚴火

禁

金世宗大定二十一年六月甲戌客星見于華蓋凡百五十有六日滅

衛紹王大安二年二月客星入紫微中其光散如赤龍狀
元世祖至元十年三月癸酉客星赤白如粉絮起畢度五
車北復自文昌貫斗杓歷梗河至左攝提凡二十一日
仁宗延祐二年十月丙子朔客星見太微垣 十一月丙
午客星變爲彗犯紫微垣歷軫至壁十五宿明年二月
庚寅乃滅

皇明

太祖洪武九年丙辰夏六月戊子客星見至秋乙亥客星

沒 十二年秋九月客星掃天并 十八年秋九月戊寅客星入太微垣

景皇帝景泰三年壬申冬十一月癸未客星見輿鬼

英宗天順四年九月癸亥夜客星色蒼白光芒長三丈餘尾指西南變爲彗星

雲氣

遼太祖神冊二年四月圍幽州不克六月望城中有氣如烟火狀上曰未可攻也班師 天顯元年七月次扶餘府有紫黑氣蔽天踰日乃散是日帝崩

景宗保寧五年四月丙申白氣晝見

道宗壽隆七年正月壬戌朔夜白氣如練自天而降黑雲

起于西北疾飛有聲北有青赤黑白氣相雜而落

金

太祖生時常有五色雲氣若二千斛困廩狀屢見東方遼司天孔致和曰其下當生異人天以象告非人力所能爲也

海陵天德二年十二月乙卯慶雲見狀如鸞鳳五彩正隆六年六月丙午慶雲見是日曹王烏祿郎位于遼陽世宗大定八年七月己卯午刻慶雲環日八月辛亥午刻慶雲環日二十三年十月己未慶雲見于日側

章宗明昌三年十二月丙辰北方微有赤氣太和五年九月戊子西北方黑氣間有赤氣如火次及西南正南

東南方皆赤中有白氣貫徹乍隱乍見既而爲雨隨作風至二更初黑雲間赤氣復起于西北方及正西正東東北往來遊曳內有白氣數道時復出役其赤氣又滿中天約四更皆散六年正月北京申龍山縣西見有雲結成車牛行帳之狀或如前後摧損之勢晡時乃散九月己酉夜將曙北方有赤白氣數道歷王良下徐行至北斗開陽瑤光之東而散

衛紹王大安元年四月壬申北方有黑氣如大道東西竟天至五更散三年三月辛酉辰刻北方有黑氣如堤內有白氣三似龍虎之狀十月己卯東北西北每至初更如月將出之狀明至夜半而滅經月乃已至寧

元年紫雲覆城上數日俄而宣宗入繼大統

宣宗貞祐元年十月丙午夜有白氣三衝紫微而不貫

十二月丙申白氣東西竟天移時散 三年六月戊申

夜有黑氣廣如大路自東南至于西北其長竟天 興

定三年七月庚申五色雲見 十月乙丑平涼府慶雲

見遣官驗實以告太廟詔國中 五年正月山東行省

蒙古綱奏慶雲見命圖以進 六月戊寅日將出有氣

如大道經丑未歷虛危東西不見首尾移時沒 十二

月己丑北方有白氣廣三天餘東西亘天 元光元年

十一月丁未東北有赤雲如火

哀宗正大二年二月甲寅有黃黑祲 三年三月庚午省

前有氣微黃自東北亘西南其狀如虹中有白物十餘
往來飛翔又有光倏見如二星移時方滅 四年六月
丙辰有白氣經天

皇明

太祖洪武十八年乙丑夏四月五色雲再見禮部請稱賀
不許

武宗正德丁卯慶雲見翼軫分是歲丁卯黃河清三日

世宗以八月十日生占者以爲河清慶雲之應

世宗嘉靖十八年二月乙巳庚午慶雲見五色縹緲夏言
以聞 命擇日昭謝

虹蜺

宋理宗嘉熙三年十月乙丑虹見 四年二月辛丑白虹貫日 寶祐五年十月甲午虹見

度宗咸淳十年春正月己卯朔永新有氣如虹橫貫一邑 遼聖宗統和二十年正月癸丑東方五色虹見

金世宗二十九年正月乙卯白虹貫日 二月辛酉白虹貫日 亘天

海陵天德三年正月丁酉白虹貫日

武宗至大三年正月丁亥白虹貫日 八月甲寅如之

元泰定帝泰定元年夏溫州虹見九頭色如血 四年二

月白虹貫日

文宗至順元年八月白虹貫日 二年正月白虹貫日

三年五月白虹並日出長竟天 四年八月丁丑京師

白虹亘天

順帝至正十九年九月丙午白虹亘天 二十五年三月

白虹貫日 二十六年三月白虹五道亘天其第三道

貫日又氣橫貫東南良久乃滅 二十八年閏七月壬

戌白虹貫日乙丑冀寧文水縣有白虹貫日自東北直

繞西南雲影中似日非日如鏡者三色青白踰時方沒

皇明

太祖洪武三十年二月白虹亘天

續文獻通考卷之二百十九終

續文獻通考卷之二百二十

皇明進士雲間王圻纂輯

物異考 水災

宋

寧宗嘉定間淳安遭水患民舍漂沒 十年浙江潮泛圯
頽廬舍 六月東川大水 十二年畿縣鹽官海失故
道潮汐衝平野三十餘里至是侵縣治鹽場多圯 十
五年秋江濤溢圯沿江民廬畿縣水壞田稼 十六年
冬十一月太平州大水

理宗寶慶二年九月丁卯台州大水壞屋民溺死 五年
秋台州大水漂屋人溺死 紹定二年秋九月台州海

溢城壞死者二萬餘人天台溪民流沒 端平二年三月襄陽漢陽大水 嘉熙十年八月台州大水 十二年六月台州大水 淳祐七年春正月邵武軍水 十一年八月汀州山水暴至漂人民 十二年六月建寧大水冒城郭漂室廬死者甚衆 十二年夏六月閩州大水 十三年秋七月辛丑大水冒城郭漂室廬人民死者以萬數

按宋史言嚴衢婺信台處建劍邵九郡同日大水冒城郭漂室廬人民死者以萬數徐清叟言唐五行志云取財過度則陰失其節而水溢今日國課所入未免增直取贏而商賈告病此又水之所由應也帝即日降詔分

郡賑恤諸軍計師輿往建郡南劔國子監簿葉隆禮往
嚴衢信登聞檢院胡大昌往婺處台告勅凡一百道分
遣有差

寶祐三年五月閩浙大水 咸淳六年九月台州大水
遼聖宗統和二年十一月諸道水災詔饑民質男女者起
來年正月日計傭錢十文價折傭盡遣還其家 九年
十一月桑乾羊河溢居庸關西害禾稼殆盡奉聖南京
居民廬舍多墊溺者 二十七年七月霖雨潢土幹刺
陰涼四河皆溢漂沒民舍 太平六年二月南京水災
十一年五月大雨諸河橫流皆失故道

道宗咸雍四年十月永清武清安次固安新城歸義容城

諸縣皆水 太康八年七月南京霖雨沙河溢永清歸
義新城安次武清香河六縣傷稼 壽隆三年二月武
清縣大水弛其陂澤之禁

金世宗大定五年六月河決李固渡水入曹州 十七年

七月大雨滹沱盧溝水溢河決白溝 二十年秋河決

衛州

大定二十九年六月

章宗已即位

曹州河溢

章宗明昌四年六月河決衛州魏清滄皆被害 五年七
月河決陽武故堤灌封丘而東

宣宗貞祐二年六月潮白河溢漂古北口鐵裹關門至老
王谷 興定四年七月河南大水唐鄧尤甚

元

世祖中統間大名大水 至元元年真定順天河間順德

大名東平濟南等郡大水 四年五月應州大水 十

二月真定大水 五年八月亳州大水中都濟南益都

淄城河間東平南京順天順德真定恩州高唐濟州北

京等處大水 六年正月甲戌益都淄城大水 十二

月獻莫清滄四州及豐州渾源縣大水 八年諸州大

水 七月公安石首大水 九年七月監利潛州大水

九月南陽懷孟衛輝順天等郡洛磁泰安通灤等州

淫雨河水並溢圯田廬害稼 十二年松磁驟雨暴溢

漂千餘家溺死者百人 十三年十二月濟寧及高麗

濱州大水 十四年六月濟寧路雨水平地吏餘損稼

曹州定陶武清二縣濮州堂邑縣雨水沒禾稼 六月

十二日杭州颶風大雨潮入城堂奧可通舟楫 十二

月冠州永年縣水 十五年松磁大水西京奉聖州及

彰德等處水 十六年十二月保定等路水 十七年

正月磁州永平縣水 八月濮州東平濟寧磁州水

十八年二月遼陽懿州蓋州水 十一月保定清苑縣

水 十九年江南水 二十年六月太原懷孟河南等

路沁河水湧溢壞民田一千六百七十餘頃衛輝路滑

河溢損稼南陽府唐鄧裕嵩泗州河水溢損稼 十月

涿州巨馬河溢 二十一年大名河水決壞田廬無算

六月保定河間濱棣大水 二十二年秋南京彰德

大名河間順德濟南等路河水溢壞田三千餘頃高郵
慶元大水傷人民七百九十五戶壞廬舍三千九區

二十三年六月安西路華陰縣大雨潼谷水涌平地夾
餘杭州平江兩路屬縣水壞民田一萬七千二百頃大
都涿鄴檀順薊五州汴梁歸德七縣水 二十三年河
決衝突河南郡縣十五處雄霸二州及保定真定諸縣
水泛溢壞官民田 二十四年三月汴梁河水泛溢

六月霸州益漳縣雨水 九月東京誼靜威遠婆娑等
處水 十一月庚子大都路浙西路水 二十五年三
月浙西大水杭蘇湖秀水壞田稼 五月河決汴梁太
康通許杞三縣陰潁二州皆被害 七月膠州六水民

采橡爲食 十二月大原汴梁二路河溢害稼河北徙而東明曹濮以及濟陰並被害岳州華容大水 二十六年二月紹興大水 五月御河溢入會通渠漂東昌民居至七月又溢順德沙河溢鐵燈杆堤決大水 十月平灤路水壞田稼一千一百頃 二十七年正月甘州無爲路大水 五月江陰州大水 六月河溢太康縣沒民田三十一萬九千畝已丑泉州大水 七月江蘇霖雨贛吉安瑞建昌撫水皆溢龍興城幾沒 八月沁水溢廣州清遠縣大水 九月御河決高唐 十一月河決祥符義唐平灤太康通許二縣陳州大被其害易水溢雄莫任丘新安民居漂沒無遺命有司禁

堤障之江南江陰寧國等路大水民流四十五萬餘戶
魏縣御河溢害稼五千八百餘頃 二十八年二月常
德路大水 八月浙東婺州水 九月平灤保定河間
三路大水 二十九年五月龍興路南昌新建進賢三
縣水 六月鎮江常州平江嘉興湖州松江紹興等路
府水揚州寧國太平三郡大水又岳州華容縣水 三
十年五月深州靜安縣大水真定寧晉水 十月平灤
路水 三十一年八月趙州寧晉縣水 九月趙州寧
晉等縣大水 十月遼陽路水

成宗元貞元年五月建康溧陽州太平當塗縣鎮江金壇
丹徒等縣常州無錫州平江長洲湖州烏程縣鄞陽餘

千州常德沅江澧州安鄉等縣水

六月泰安州奉符

曹州濟陰兗州磁陽等縣水歷城縣大清河水溢壞民

居七月遼東和州大都武衛屯田水

九月廬州平

江二郡大水濟南及金復州大都遼陽瀋廣寧水江南

常州建德溫紹澧南雄常德臨江皆大水

二年五月

太原平晉縣獻州交河樂壽二縣莫州任丘莫亭等縣

湖南醴陵州水

六月大都路益津保定大興三縣水

損田稼七千餘頃真定古城獲鹿藁城等縣保定葛城

歸信新安東鹿等縣汝寧潁州濟寧沛縣揚廬岳澧四

郡建康太平鎮江常州紹興五郡水

八月大名棣州

曹州水

九月河決河南杞封丘祥符寧陵襄邑五縣

水 十月河決開封縣寧海文登大水 十二月江陵

潛江縣沔陽王沙縣淮安縣海寧胸山鹽城等縣水

大德元年三月歸德徐州邳州宿遷濰寧鹿邑三縣河南許州臨潁鄆城等縣襄邑太康扶溝陳留開封杞等縣河水大溢漂沒田廬 五月河決汴梁發民夫三萬五千塞之漳水溢害稼龍興南康澧州南雄饒州五郡水 六月和州歷陽縣江水溢漂廬舍一萬八千五百區 七月郴州來陽縣衡州鄧縣大水溺死者三百餘人溫州平陽瑞安二州水溺死六千八百餘人 又七月十四日夜溫州颶風暴雨海溢平陽瀕海民居漂溺浪高三丈餘死者六千六百人壞田四萬四千餘畝屋

二千餘區瑞安縣亦溺死千餘人 十一月常德武陵

縣大水河決杞縣蒲口淪歸德等數郡 二年六月河

決蒲口凡九十六所泛溢汴梁歸德二郡大名東昌平

灤等路江西浙江水 三年八月河間郡水 四年五

月保定真定二郡通薊二州水 六月歸德睢州大水

五年五月宣德保定河間屬州水寧海州水 六月

濟寧般陽益都東平濟南襄陽平江七郡水 七月大

名水又江水暴溢高四五丈連崇明通泰真州沿江之

地漂沒廬舍被災者三萬三千八百餘戶遼陽大寧路

水 八月平灤郡雨灤河溢順德路水 六年四月上

都大水 五月濟南路大水歸德府徐州邳州睢寧

雨五十日沂武二河合流水大溢東安州渾河溢壞民
田一千八百餘頃 六月廣平路大水 七年五月濟
南河間等路水 六月遼陽大寧平灤昌國瀋陽開元
六郡雨水壞田廬男女死者百十有九人修武河陽新
野陽陽等縣趙河湍河白河七里河沁河濠河皆溢台
州風水大作寧海臨海二縣死者五百五十人 八年
五月太原陽武縣衛輝獲嘉縣汴梁祥符縣河溢大名
滑州濬州雨水壞民田六百八十餘頃 八月潮陽颶
風海溢漂民廬舍 九年六月汴梁武陽縣思齊口河
決東昌博平堂邑二縣雨水潼川鄆縣雨綿江中江溢
水決入城龍興撫州臨川三郡水 又六月二十八日

處州縉雲水發壞民廬舍溺死數百人 七月沔陽王
沙縣江溢嶧州水揚州泰興縣淮安山陽縣水 八月
歸德府寧陵陳留通許扶溝太康杞縣河溢大名元城
縣大水 十年五月雄州涿州水平江嘉興二郡水害
六月保定滿城清苑二縣雨水大名益都定興等
路大水 七月平江路大風海溢吳江州大水 十一
月又大水 十一年六月靖海容城東鹿隆平新城等
縣水 七月冀寧汶水縣汾水溢 十一月盧龍灤河
遷安昌黎撫寧等縣水

武宗至大元年七月濟寧路雨水平地丈餘暴決入城漂
廬舍死者十有八人真定路淫雨大水入南門下注藁

城死者七十人彰德衛輝二郡水損田稻五千三百七十頃 二年七月殷陽大水河決歸德府又決汴梁封丘縣 三年五月荆襄大水 六月洧州鄆城汶上三縣水峽州大雨水溢死者萬餘人 七月循州惠州大水漂廬舍二百九十區 四年六月大都三河縣潞縣河東祁縣懷仁縣永平豐盈屯雨水害稼 七月東平濟寧般陽保定等路大水江陵松滋縣桂陽臨武縣水 十二月浙西水災

仁宗皇慶元年五月歸德睢陽縣河溢 六月大寧水達達路雨宋瓦江溢民避居亦毋兒乞嶺 八月松江府大風海水溢 二年五月辰州沅陵縣水 六月涿州

范陽縣東安州宛平縣固安州霸州益津等縣雨水壞
田稼七千六百九十餘頃河決陳毫睢三州開封陳留
等縣 八月崇明嘉定二州大風海溢 延祐元年五
月常德路武陵縣雨水壞廬舍溺死者五百人 六月
涿州范陽房山二縣渾河溢壞民田四百九十餘頃濮
州大雨水沅陵廬溪二縣水 八月肇慶武昌建康杭
州建德南康江州臨江袁州建昌贛州安豐撫州等路
水 三年六月河決鄭州壞汜水縣治 七月京師大
雨鄭州昌平香河寶坻等縣水金州永州江水溢害稼
沅陵廬溪水 三年四月潁州泰和縣河溢六月河決
汴梁 七月婺源州雨水溺死者五千三百餘人 四

年正月解州鹽池水 五年四月廬州合肥縣大雨水
六年五月江陵水 六月河間路漳河水溢壞民田
二千七百餘頃益都般陽濟南東昌東平濟寧等路曹
濮泰安高唐等州大雨水害稼遼陽廣寧瀋陽永平開
元等路水大名路屬縣水壞民田一萬八千頃又汴梁
歸德汝寧彰德真定保定衛輝南陽等郡大雨水 七
年四月安豐廬州淮水溢損禾麥一萬頃城父縣水
六月棣州德州大雨水壞田四千六百餘頃 七月上
蔡汝陽西平等縣水 八月霸州文安文成二縣漳沱
河溢害稼汾州平遙縣水河決汴梁原武縣 九年漳
沱河決爲災

英宗至治元年六月霸州大水渾河溢被災者三萬餘戶
六月東平曹州大水害稼 七月濟寧大水薊州平谷
漁陽二縣順州邢臺沙河二縣大名魏縣永平石城縣
大水彰德臨漳縣漳水溢大都固安州真定元氏縣東
安寶坻縣淮安清河山陽等縣水東平東昌二路高唐
曹濮等州雨水害稼乞里吉思部江水溢 八月安陸
府雨七日江水大溢被災者三千五百戶雷州海康遂
溪二縣海水溢壞民田四千頃九月京山長壽二縣漢
水溢 十月遼陽肇慶等郡水 十二月真定路水
二年正月儀封縣河溢 二月濮州大水 五月睢陽
縣毫社屯大水 六月奉元郿縣邠州新平上蔡二縣

水 八月廬州六安舒城二縣水 十一月平江路六

水損民田四萬九千六百頃 十二月南康建昌大水

三年五月東安州水壞民田一千五百餘頃真定武

邑縣水害稼 六月大都永清縣雨水損田百頃 七

月湖州雨水害稼 九月漳州建昌南康等郡水

泰定帝泰定元年二月真定滹沱河水溢漂民廬舍 五

月湖州固安州水隴西縣大雨水漂死者五百餘家龍

慶路雨水傷稼 六月益都濟南般陽東昌東平濟寧

等郡二十有二縣曹濮高唐德州等處十縣淫雨水深

丈餘漂沒田廬大同渾源河溢陳汾順晉恩深六州雨

水害稼真定滹沱河溢漂民廬舍陝西大雨渭水及黑

水河溢損民廬舍渠州江水溢 七月真定河間保定
廣平等郡三十七縣大雨水五十餘日害稼大都固安
州清河溢順德任縣沙澧洛水溢奉元朝邑縣曹州楚
丘縣開封濮陽縣河溢 九月延安路洛水溢奉元長
安縣大雨澧水溢濮州館陶縣大水 十二月杭州益
官州海水大溢壞堤塹侵城郭有司以石圍木櫃捍之
不止 二年正月大都寶坻縣肇慶高要縣水輦昌路
水 閏正月雒州歸信縣大水 二月甘州路大雨水
漂沒行帳孳畜 三月咸平府清冠二河合流失故道
陳堤堰 四月涿州房山范陽二縣水岷洮文階四州
雨水 五月檀州大水平地深丈有五尺高郵興化江

陵公安二縣水河溢汴梁被災者十有五縣 六月冀

寧路汾河溢潼江府綿江中江水溢入城深丈餘衛輝

汲縣歸德宿州雨水濟寧路虞城碭山單父豐沛五縣

水 七月睢州河決 八月霸州涿州永清香河二縣

大水傷稼九千五百餘頃 九月開元路三河溢沒民

田壞廬舍 十月寧夏鳴沙州大雨水 三年正月恩

州水 二月歸德府河決 六月大同縣大水汝寧光

州水 乙丑濟寧大水害稼 七月京畿縣水河決鄭

州漂沒陽武等縣民一萬六千五百家東安檀順鄆四

州雨渾河決溫榆水溢傷稼延安路廬施縣水漂民居

九十有餘戶 八月鹽官州大風海溢捍海堤崩廣三

十餘里袤二十里徙居民二千五百家以避之真定縣
州奉元蒲城縣無爲州歷陽含山等縣水 九月漳州
水沂州濟寧魚臺曹州大水平遙縣汾水溢 十一月
崇明州三沙鎮海溢漂溺民居五百家 十二月遼陽
大水大寧路瑞州大水壞民田五千五百頃漂民居八
百餘 四年正月鹽官州潮水大溢捍海堤崩二千餘
步 四月復崩十九里發丁夫二萬餘人以木柵竹落
礮石塞之不止 六月大都東安固安通順薊檀灤七
州永清良鄉等縣雨水 七月上都雲州大雨北山黑
水河溢雲安縣水 八月滹沱河溢汴梁扶溝蘭陽二
縣河溢漂民居一千九百餘家濟寧虞城縣河溢傷稼

十二月夏邑縣河溢汴梁中牟開封陳留三縣歸德
邳宿二州雨水 政和元年二月塩官州海堤崩遣使
禱祀造浮圖二百六十用西僧壓之河決碭山虞城二
縣 四月塩官州海溢發軍民塞之置石固二十九里
六月南寧開元永平并路水河間林邑雨水益都濟
南般陽濟寧東平等郡三十縣濮德泰定九州九縣雨
水害稼 七月廣西兩江諸州水

文宗天曆元年泰安州大水 八月杭州嘉興平江湖州
建德鎮江池州太平廣德九郡水没民田十八萬八千
餘頃 二年開滑渚州河溢漂民田八百五十頃 六
月大都東安通薊霸四州河間靖海縣雨水害稼永平

昌國諸屯雨水 至順元年六月河決大名路長垣東

明二縣沒民田五百八十餘頃曹州高唐州金華水

七月海潮溢漂沒河間運司鹽二萬六千七百引 閏

七月平江嘉興湖州松江三路一州大水壞民田三萬

六千六百餘頃被災者四十萬五千五百餘戶杭州常

州慶元紹興鎮江寧國等路望江銅陵長林寶應興化

等縣水沒民田一萬三千五百餘頃大都保定大寧益

都屬縣水 二年三月浙西水 四月潞州潞城縣大

雨水 五月河間莫亭縣寧夏河渠縣紹慶彭水縣及

德安屯田水 六月真定路屬州縣及諸屯大水彰德

屬縣漳水決 八月江浙水害稼田十八萬八千七百

三十八頃 十月吳江州大風太湖水溢漂居民一千
九百餘家 十二月深州水 三年正月奉元朝邑縣
洛水溢 四月濟沱河決沒屯田四十三頃 五月汴
梁河水溢江都泰興雲夢應城等縣水 六月汾州大
水乙丑濟寧大水害稼 九月沂州濟寧魚臺曹州楚
大水

順帝元統元年五月汴梁陽武縣河溢害稼 六月京畿
大霖雨水平地丈餘涇河黃河大溢關中河南水災泉
州霖雨溪水暴漲漂民居數百家 七月潮州大水
二年正月東平須城縣濟寧曹州濟州濟陰縣大水
二月灤河潞河溢永平路屬縣皆水瑞州路水 三月

山東霖雨水湧浙西水 四月東平益都水 五月鎮

江路水宣德府大水 六月淮河漲漂山陽縣境內民

畜房舍 八月東平曹州大水京畿大水 九月吉安

路水河決濟陰漂官民廬舍殆盡 至元元年河決汴

梁封丘縣 二年五月南陽鄧州大水六月涇水溢

八月大都至通州霖雨大水又瑞河白河水太溢爲災

三年二月紹興大水 五月廣西賀州大水害稼

六月衛輝淫雨至七月卅沁二河泛漲與城西御河通

流平地深二丈餘漂沒人民房舍田禾甚衆民皆棲于

樹木郡守僧家奴以舟載飯食之移老弱居城頭日給

糧餉月餘水方退汴梁蘭陽尉氏二縣歸德府皆河水

泛溢黃州及衢州常山縣皆大水 四年五月吉安永
豐縣大水 六月邵武大水城市皆洪流漂沿溪民居
殆盡 五年五月庚戌汀州大水平地深三丈許損民
居八百家壞田二百頃溺死者八千餘人 七月沂州
沂沭二河暴漲決隄防害田稼邵武光澤縣大水常州
宜興縣山水出勢高一丈壞民居 六年二月京畿五
州十一縣及福州路福寧州大水 五月慶元奉化州
山崩水湧出平地溺死人甚衆 六月衢州西安龍游
二縣大水庚戌處州松陽龍泉二縣積雨水漲入城中
深丈餘溺死五百餘人遂昌縣尤甚平地三丈餘桃源
鄉山崩壓溺民居五十三家死者三百六十餘人 七

月延平南平縣淫雨水泛溺死者百餘人損民居三百餘家壞民田二頃七十餘畝乙卯奉元路監屋縣河水溢漂溺居民八月衛輝大水漂民居一千餘家十月河南府宜陽縣大水漂民居溺死者衆至正元年汴梁鈞州大水楊州路崇南通泰等州海潮湧溢溺死一千六百餘人六月濟南水二年四月睢州儀封縣大水害稼六月夜濟南山水暴漲衝東西二關流入小清河黑山天麻石固等寨及卧龍山水通流入大河漂沒上下民居千餘家溺死者無算六月汾河溢三年二月鞏昌寧遠伏羌成紀三縣山崩水湧溺死者無算五月黃河決白茅口七月汴梁申牟決

尉氏洧州四縣鄭州滎陽汜水河陰三縣大水 四年

正月河決曹州崔夫萬五千八百修築是月又決汴梁

五月河南鞏縣大雨伊洛水溢漂民居數百家濟寧

路兗州大梁鄆陵通許陳留臨潁等縣大水害稼人相

食 七月灤河水溢出平地丈餘永平路禾稼廬舍漂

沒其東平路東阿陽穀汶上平陰四縣衢州西安縣

大水温州颶風大作海水溢漂民居溺死者甚衆 五

年黃河溢平地水二丈豐州被害 七月河決濟陰漂

沒官民廬舍殆盡 十月黃河泛溢 六年十月河決

七年五月黃州大水 八年正月辛亥河決陷濟寧

路 四月平江松江大水 五月庚子廣西山崩水湧

灘江溢平地水深二丈餘屋宇人畜漂沒壬子寶慶大水乙卯錢塘江潮溢比之八月中高數丈餘沿江民皆遷居以避之 六月中興路松滋縣驟雨水暴漲平地深又有五尺餘漂沒六十餘里死者一千五百人是月膠州大水 七月高密縣大水 九年七月中興路公安石首潛江監利等縣及沔陽府大水夏秋蘄州大水傷稼 十年五月龍興瑞州大水 六月乙未霍州靈岩縣雨水暴漲決堤堰漂民居甚衆 七月汾州平遙縣汾水溢靜江荔浦縣大水害稼 十一年夏龍興南昌新建二縣大水安慶桐城縣雨水泛漲花崖龍源二山崩衝決縣東大河漂民居四百餘家 七月葉寧路

平晉文水二縣大水汾河泛溢東西兩崖漂沒田禾數
百頃河決歸德府永城縣壞黃陵崗岸靜江路大水決
南北二陵渠 十二年二月中興路松滋縣驟雨水暴
漲漂民居千餘家溺死七百人 七月欽州西安縣大
水 十三年夏薊州豐潤王田遵化平谷四縣大水
十四年六月河南府鞏縣大雨伊洛水溢漂沒民居溺
死三百餘人秋薊州大水 十五年六月荊州大水
十六年河決鄭州河陰縣官署民居盡廢遂成中流山
東大水 十七年六月暑雨漳河溢廣平郡邑皆水秋
薊州四衛皆大水冬十月靜江路大水河北水 十八
年秋京師及薊州廣東惠州廣西四縣賀州皆大水九

月濟州任城縣河決 二十年七月通州大水 二十

二年三月邵武光澤縣大水 八月二十日温州海溢

二十三年孟州濟源溫縣水 七月河決東平壽張

縣圯城墻屋廬人溺死甚衆 二十四年三月益都縣

井水溢而黃懷慶路孟州河內武陟縣大水 七月益

都路壽光縣膠州高密縣水 二十五年夏六月溫州

水没千餘家秋薊州大水東平順城東阿平陰三縣河

決小流口達于清河壞民居傷禾稼 七月京師大水

二十六年二月河北徙上自東明曹濮下及濟寧皆

被其害 六月河南府大霖雨瀝水溢深四丈許漂東

關居民數百家 秋七月汾州介休縣汾水溢薊州四

縣衛輝汴梁鉉州大水害稼 八月棣州大清河決濟
棣二州之界民居漂流無遺濟寧路肥水縣西黃水汎
溢漂没田禾居民百有餘里德州齊河縣境七十餘里
亦如之 九月蒲城縣洛岸崩壅水絕流三日

皇明

太祖洪武九年丙辰京城水溢百官乘船以朝 十一年
蘇松揚台等處海溢 二十三年七月江南北海溢

英宗正統三年戊午夏五月江北大水 四年己未夏六

月京師大水 詔求直言修廢政令戶部侍郎吳璽順

天府尹姜濤賑卹軍民 八年五月畿內旱蝗 九年

甲子閏七月浙西大水

或云元年

英宗天順五年辛巳夏五月江南北大水

憲宗成化元年八月南北直隸河南山西湖廣江西浙江
所屬州縣凡一百四十餘處各奏水患 二年七月順
天保定開封青州四府大水 六年夏四月京師大雨
水 九年六月廣平順德大名真定懷慶大雨水 十
四年八月江北大水漂沒田廬倒塌城郭巡按苑珠奏
請停徵罷役除豁被災地方夏秋稅糧 上命所司知
之

孝宗弘治二年巳酉夏六月京師及通州等處大水遂錄
囚徒 詔求直言

武宗正德十四年巳卯春京師水溢 十五年庚辰夏五

月江西大水

世宗嘉靖元年七月二十五日南京大風雨後水毀屋大江水高丈餘漂溺舟船浮屍無數二年河南大水降

勅修省求直言吏部侍郎汪俊上言 詔令任賢聽言名器恤民禁邪等漸不如初不報 五年徐淮兗濟

大水 上以災變 命臣工修省 三十一年秋八月

靈雨不止河水大溢淮徐邳山東諸州縣皆大水 三

十七年六月遼東大水 四十年五月至十月蘇松嘉

湖靈雨不息平地水高數尺禾苗俱沉水底 四十五

年丙寅湖廣水破均州城均州近太和山時提督太和

山太監呂祥奏異常水災懇乞賑恤 詔廷臣議之

穆宗隆慶二年七月台州颶風大作海潮泛溢天台諸山
水合衝台州府城溺死人民三萬餘口衝決田地一十
五萬餘畝蕩析廬舍五萬餘區三日乃退 三年五月
江南霪雨三月不絕田禾漂沒所司請蠲賑 淮陽徐
俱大水奏發運司餘銀三萬兩鈔關船料三萬八百餘
兩河道二千三百兩司府州縣贖二萬五千餘兩兼
積貯勸借買谷十五萬石截漕三萬石以賑之

今上萬曆十年壬午秋七月丙辰朔十三日戊辰至次日
已巳蘇松諸郡大風雨拔木江海及湖水俱嘯湧常州
常熟崇明嘉定吳江等處漂沒室廬人畜以萬計

按實錄嘉靖元年壬午秋七月乙巳朔二十四日戊辰

至次日己巳大風雨江海驚湧漂沒室廬人畜亦如之
以余所見及野史所載是日俱有龍虎之異前壬午禍
微輕而遠後壬午禍甚慘而狹要之六十年內所無也
二十九年蘇松春災大水田禾淹沒

水異

宋孝宗乾道四年順昌縣漢祥雲彌布天大雨至田間
水隨雲湧上高三十餘丈東流百餘丈皆澄潭視之蒼
然有神物變化其中

恭帝德祐二年錢塘江潮三日不至時元人分駐江沙上
杭人方幸之而潮波不至

遼聖宗太平五年三月魚兒濤有聲如雷其水一夕越沙

岡四十里別爲一陂

道宗壽隆四年三月丙子有司奏黃河清

金衛紹王大安元年徐市界黃河清五百餘里數二年以其事詔中外臨洮人楊珪上書曰河性本濁而今反清是水失其性也正猶天動地靜使動靜當靜者動則如之何其爲災異明矣且傳曰黃河清聖人生假使聖人生恐不存今日又曰黃河清諸侯爲天子正當戒懼以消災變而懷謫示四方臣所未喻宰相以爲妖言議誅之慮絕言路詔大興路鎖還本管至寧元年八月癸巳衛紹王遇弒是日海水不潮寶坻鹽司懼其虧課致禱無應九月丙午宣宗即位乃潮

宣宗貞祐二年六月黃河自陝州界至衛州八柳樹清十餘日纖鱗皆見

元世祖至元十五年十二月河水清自孟津東栢谷至汜水縣蓼子谷上下八十里澄壁見底數月始復故

成宗元貞元年閏四月蘭州上下三百餘里河清三日

順帝至正七年八月杭州上海浦中午潮退而復至十

三年泉州海水日三潮二十年十一月汴梁原武榮

澤二縣黃河清三日浙江無潮三日二十一年十一

月河南孟津縣至降州垣曲縣二百里河清七日新安

縣亦如之十二月冀寧路石州河水清至明年春水

泮始如故二十四年夏衛輝路黃河清甲辰六月

二十三日夜四更松江近海去處潮忽驟至人皆驚訝以非正候至辰時潮方來乃知非潮也後潮湧人說潮湧不通潮忽平湧起高三四丈若潮漲之勢正與此時同又平江嘉興亦如之

按五行志水自盈主兵興乾坤變異鉅河水大湧臣下執政有背叛

皇明

太祖洪武五年河南黃河竭行人可涉

成祖永樂二年冬十有二月禹門渡黃河水清亘數百里四年丙戌冬十一月庚午祭酒燕翰林院侍講胡儼獻孝感醴泉甘露頌

景皇帝景泰二年辛未春正月戊午南京禮部奏山川壇醴泉見郊之

世宗嘉靖六年十二月庚申河南靈寶縣尹張廷桂奏言是月為佐村黃河清五日上遣官祭告親為詩以記之御史周相進諫下詔撤奪官

穆宗隆慶六年五月南直隸龍目井化為酒

今上萬曆十九年荊州府公安縣六月二十五日大旱如注四晝夜時有巨蛇形如牛紅頭黑身長一二丈身出水湧往來馳突須臾堤崩陷為湖

物異考 火災

宋

寧宗嘉定四年八月鄂州火燔五百餘家 十年福州一
夕再火燔城門僧寺民廬一千餘家死者數人 十一
年二月杭州火燔民居數百家 九月禁垣外萬松嶺
民居火延及四百八十餘家 十二年十一月杭州火
燔城內民廬數萬家禁垣百二十區 十三年十一月
臨安火 十七年六月岳州火燔岳陽樓及州獄都庫
延及民居八十餘家

理宗寶慶二年三月圻州火 紹定元年六月温州火燔
六百餘家至九月又火五百餘家 四年九月都城大
火延及太廟三省六部御史臺秘書省玉牒所庚子建
昌軍火 景定四年冬温州東道橋火 十一月福州

火 五年杭州大火三月始息 嘉熙元年夏五月臨
安大火自己至酉燒民廬五十三萬士民上書咸訴濟
王之寃 淳祐六年十一月永嘉東門火燔六百家
十二年十一月臨安大火

按宋史時臨安火三日乃息詔求直言帝又諭輔臣曰
近來早朝多奏臣下辭免等細事而事體大者乃從繼
進甚非臨朝聽政之意自今宜就早朝面奏

寶祐三年五月永嘉縣火 五年八月台州城火

度宗咸淳四年十二月永州火趙保安津舍火飛焰過江燭
及民居三百餘家 德祐元年十一月六日夜趙興釋
軍潰瑞安平陽沿途縱火三日不滅 景炎二年五月

五日淮軍縱火平陽自平政坊延燒至積門

遼景宗乾亨二年五月雷火乾陵松

與宗重熙十八年十二月慶陵林木災

道宗清寧三年閏三月鹿駕單管火賜錢粟及馬有差

太康元年二月祥州火遣使恤災 大安九年六月丁

亥端拱殿門災

金熙宗至統元年十一月己酉稽古殿火

海陵貞元二年五月癸丑南京大內災

世宗大定二年閏二月辛卯神龍殿十六位焚延及太和

厚德殿 四年十一月辛丑尚書省火 十六年五月

戊申南京宮殿火 二十年四月己亥大寧宮門火

二十三年正月辛巳廣興園燈山災延及熙春殿

章宗泰和四年四月壬戌萬寧宮端門災

衛紹王大安三年三月戊午大悲閣災延燒萬餘家火五日不絕

宣宗貞祐二年六月庚申南京寶鎮閣災 興定二年六

月京師屢火遣禮部尚書楊雲翼禁之 三年春吏部

火 四年十二月癸酉火 五年十一月壬寅京師相

國寺火

元

定宗三年戊申野草自焚牛馬十死八九民不聊生

世祖至元十年武昌火 十一年十二月淮西正陽大廬

金鋪仗悉燬

十四年五月五日瑞安東清縣皆火

十八年二月揚州火 二十九年十一月温州城西大

火 三十年正月温州又大

成宗元貞二年杭州火燔七百七十家 九月温州拱北

門火延燎城市大半 大德三年十一月杭州火 六

年五月戊申太廟寢殿災 七年三月都城火 九月

温州火 八年五月杭州火燔四百家 九年三月宜

黃縣火 十一月温州火 十年武昌路火

仁宗延祐元年二月真州楊子縣火 二年八月二十七

日温州共北門火延燎至瑞安 三年六月重慶路火

邵舍十焚八九 四年十一月二十四日夜温州火燔

三百餘家 六年四月揚州火燔官民廬舍三千三百餘區

英宗至治二年五月奉元路行宮正殿災上都利用監庫火 九月揚州江都縣火燔四百七十餘家

泰定帝泰定元年五月江西袁州火燔五百餘家 三年六月龍興路寧州高市火燔五百餘家 四年六月龍興奉新州辰溪縣火 八月杭州火燔四百七十餘家 九月龍興路火 十二月杭州火燔六百七十餘家

文宗天歷二年三月四川紹慶彭水縣火 四月重慶路火延燒二百四十餘家 七月武昌路諸縣火延燒四

百家十二月江夏縣火燔四百餘家 三年三月河內
諸縣火

順帝元統元年六月甲申杭州火 至正元年四月辛卯
台州江夏火延燒四百餘家十二月火尤烈 乙未杭
州火燔官舍民居公廨寺觀凡一萬五千七百餘間死
者七十有四人 二年四月杭州又火 六年八月已
巳延平路火燔官舍民居八百餘區死者五人 十年
興國路自春及夏城中火災不絕日數十起 十二年
三月紅巾攻普天燔郡城火三月不絕 十四年處州
平陽饑山寇驟至縱火瑞安坊郭村落皆爲煨燼 二
十年惠州路城中火災屢見 二十三年正月乙卯夜

廣西貴州火同知州事韓帖木不花判官高萬章及家
人九口俱死居民死者三百餘人牛五十頭馬九疋公
署倉庫案牘焚燒皆盡 二十八年二月癸卯京師武
器庫災 己巳陝西有飛火自華山下流入張良弼營
中焚兵庫器仗 六月甲寅大都大聖壽萬安寺災是
日未時雷雨中有火自空而下其殿脊東鰲魚口火焰
出係身上亦火起帝聞之泣下亟命百官救護唯東西
二影堂神主及寶玩器物得免餘皆焚燬 松江自來
無大火災至正丙戌閏十月二十九日夜普照寺西製
帽民姚姓者不謹于火延燎三千餘家重門邃館靈官
梵宇悉為燬燼

皇明

太祖洪武元年秋京師火四方奏水旱 太祖謂中書省
臣曰宜諭朕修省以消天譴叅政傅瓛等對曰 陛下
修德省愆憂形于色居高聽卑天實鑒之 上曰君臣
一體苟知謹懼天心方回卿等其盡心力以匡不逮仍
詔中書省集耆儒講求弭災事宜

成祖永樂十九年夏四月庚子 奉天華蓋謹身三殿災
英宗正統八年南京殿宇災 十四年己巳夏六月丙辰
謹身奉天華蓋三殿災遂及 奉天諸門是夜二鼓
大雷電烈風雨自 謹身殿火起御史呂昌劾守備豐
城侯李賢及府部諸司法應逮治 上宥之

景皇帝景泰四年 承天門災下罪己 詔

英宗天順元年七月初六日 承天門災 七年貢院火

憲宗成化九年七月東直門災

孝宗弘治十一年戊午冬十月十一日夜 清寧宮災李

廣伏誅先是廣請即 萬歲山建毓秀亭及災衆皆謂

建年月不利犯坐殺向太歲所致 太皇太后怒曰今

日李廣明日李廣興工動土致此災禍 累朝所積一

旦灰燼廣懼遂自鴆死時大學士徐溥李東陽等上疏

云近年以來災異頻仍 內府火災尤甚或以爲天道

茫昧變不足畏此乃慢天之說或以爲天下太平患不

足慮此乃悞國之言或以爲齋醮祈禱爲弭災此乃邪

妄之術或以爲縱囚釋罪爲修德此乃姑息之計熒惑聖聽莫此爲甚且賄賂公行賞罰失當紀綱廢弛賢否混淆工役繁興軍民困憊下情不達上情不宣怨嗟之聲上千和氣災異之積正此之由 上嘉納之十二年丁未闕里先師廟災一云戊午

武宗正德九年甲戌春正月 乾清宮災

世宗嘉靖元年正月十一日 清寧宮小室災楊廷和疏言廢禮之應不報 二年南京 內府火災延燒國學號房百餘間 四年乙酉春三月二十四日 仁壽宮災 王德安喜景福等殿俱燼遂遣官省告于天地社

稷宗廟城隍且 勅諭群臣修省 十五年甲午夏六月十三日南京 太廟災 上易服親詣 太廟祭告仍遣大臣一員往南京祭告奉 御 五祖之靈 詔求直言 先是申時分大風雨電雷 後殿西南角火起 前殿西北角火起遂延燒殿宇東西廡廊神庫等處共一百三十二間其金銀祭器等藏于 後殿庫內冠頂袍服等藏于 前殿厨內盡燬時南京守備太監李瓚及禮部尚書湛若水以聞 世宗大恐禮部尚書夏言疏請修省從之 二十年辛丑夏四月初五日夕雷電風震忽 仁廟火起遂及 成祖用 太廟昭穆群廟俱延燬獨 睿宗廟存下 詔罪已大赦天下

御史黨承賜乞 勅兩京文武大臣投劾乞行 二十

六年十一月 官中火傳 詔速赦楊爵爵在獄七年

至是得歸富平有大鳥集其舍遂卒 三十五年杭州

城中火焚數千家死者甚衆 三十六年夏四月丙申

晡時雷雨至戌時火起 奉天謹身華蓋三殿文武二

樓午門奉天門俱災辛丑有事于郊 廟社稷 詔天

下二十二日舉祀 高玄大典止封傳刑百官修省五

日 三十七年春正月光祿寺火 上曰寺火非天災

自馬從謙以來邪黨日多故示異耳 四十四年三月

大明門內西千步廊火 上諭曰昨火處乃文積近

地他日纂修所賴當預計之官監左彙校曰正德十六

年以來內外題奏及番文計八十三萬二千餘本俱財
六科廊其千步廊所積乃先朝遺疏已經纂修者
上然之

穆宗隆慶二年正月浙江省城外災焚毀室廬舟楫以千
計三日方熄 四月承運庫火 累朝寶器皆燬

今上萬曆十三年五月初七日 慈寧宮災 二十四年
三月初九日 乾清宮火災 聖諭 內閣今偶爾災
變實上天微惕乃朕失德所致驚疑 兩宮聖母賴

列祖威靈佑庇朕心慎切自不安心與元輔等議恐未
盡慰咎傳示禮部遣官告 廟自責合行事宜查例來
省以回天意 是年四月遼東撫按李化龍李思孝奏

東昌鐵嶺二處火災延燒官民八百三十六家人畜火
器軍器無算 二十五年七月湖廣巡按趙文炳奏灋
州安鄉縣地方二月二十二日烏鴉群聚啣絮果火燒
民房四百餘戶 八月四川巡按王明奏二月二十五
日馬湖府屏山縣東城樓及本道公署東南北一帶民
房及本縣六房公廨一時燒燬八百九十一戶燒死男
女二十四口 二十五年六月十九日夜 皇極等殿
皇極等門 文昭 武成閣內外周圍廊房一時被
火下寬恤 詔 二十六年福建按臣徐兆魁奏正月
十六日漳州府忽聞城內響震甚于雷擊院宇搖動板
壁摧落見西北角黑烟一道衝上據報火藥局內響震

一聲火藥一萬零八百斤盡從聲中燒去局有一古井
上蓋二石飛三百餘步一落韭菰巷陳舉人書房長三
尺半厚八寸一落天儒士家長四尺厚一尺藥局碎毀
看藥三人屍飛局外各舉體肢解或斷手足或無頭或
去腸肚周圍藥局居民房屋五六十間盡倒壓死男婦
共二十九名傷者更多連城內外人家搖動損傷者無
數 七月戶部張孟男題清涼門草場失火 直隸巡
按李思孝題董家口四十一號臺上層東角雷震一聲
火光大作將神器房揭散火藥四百斤火箭四百枝盡
數噴燒木料不毀 十月按臣李思孝奏薊州喜峰一
路天降大雪暮從西北樓角旋風大作聲聲振地黑氣

衝天卽時旗竿剖折卽將本樓火藥火箭燒燬鎗砲鉛子等器見在 十二月吏部尚書李戴奏本月初一日五鼓後文選司巡風官房內火起延燒公署尚存卽中員外二房各項文書草冊救留一半 二十七年十一月工部主事黃龍光奏六科廊房失火延燒 禮部尚書余繼登奏尚寶司衙門被災一時焚燬無遺 二十年陝西撫臣賈待問奏慶陽府離嶺巡檢司地方于正月十八日卯時天陰黑暗如夜有兩時分迅雷怪鳴二次西北邊從天落下一火塊其形大如碌輔三尺餘光照四方又兩時分墜地 三月鄖陽巡撫鄭國仕題唐王宮內從存心殿正東大佛堂起火各官卽率軍民

保甲人夫撲救緣東北風起火勢四延甚急烟焰衝天將宮內前後寢殿房屋燒焚共計二百六十餘間子時至巳時方息僅存宮門三間庫藏及宮中衣服器皿等項盡爲灰燼又襄陽府于初三日四更時分爭樂宮二門內西邊方丈道士黃慶壽起火燒燬房屋三百餘間至辰時方息

火異

遼太宗會同元年三月虎官楊覃赴乾寧軍爲滄州節度使田武名所圍高模翰與趙延壽聚義往救有火光自模翰目中出縈繞旗矛焰如流星久之模翰喜曰此天贊之祥也遂進兵殺獲甚衆

金太祖初伐遼師次唐括帶幹甲之地諸軍裒射介而立
有光如烈火起于人是及戈矛之上人以爲兵祥明日
至扎只水光復如初後果克敵 收國元年正月進師
伐遼次寧江州有火光正圓自空而墜上曰此祥徵爾
白水而拜將士莫不喜躍進逼達古魯城大敗遼師
十二月上以騎兵親候遼師還至熱結灤有光見于矛
端 天輔六年三月師攻西京有火如斗墜其城中宗
碓曰此城破之象也是月城降而復叛後復取之
熙宗皇統九年四月壬申夜大風雨雷電有火入上寢燒
煒慢帝趨別殿避之

紹王大安二年十一月京師民周修武宅前渠內火出

高二丈焚其橋板又旬日大悲閣燬竿下石隙中穴出
高二三尺人近之即滅凡十餘日自是都城連夜燬盡
二三十處

哀宗正大三年三月乙丑有火自吏部中出大如斛流行
展轉人皆驚避踰時而滅 天興元年七月庚辰兵及
有火

元順帝至正十三年三月彰德路西南有火自天而下如
左城外瓦之無石 十二月庚戌路州裏垣縣有火墜
于東南 二十三年石州有人持鎗矛忽生火焰抹之
即無握之即有

皇明

武宗正德七年壬申春三月二十三日山東文登縣火起桑樹樹燭而枝葉無損先是秦始皇廟中鍾鼓無故自鳴頃之桑樹火廟宇皆爲瓦礫而神像顏色不改是日流賊數萬破文登是年春三月江西餘干縣仙居寨夜大雷電西北風有光如箭墜旗竿上如燈籠光照四野士卒撼其旗直飛上竿首因發砲衝之其火四散鎗首皆有光如星須臾而滅

世宗嘉靖末豫章鐵樹宮忽有着緋人從天乘雲而下坐宮之上始一童子見之數月間閭閻人無不見者又數日火無故自發宮爲灰燼

穆宗隆慶二年三月延綏保寧堡旗竿有火光四月榆

林長樂堡旗竿有火光 陝西鞏昌府有火光自天而
隕 六年正月庚申夜北方有赤氣如火光良久漸散
閏二年遼東邊臺旗竿及馬耳峯有火光赤鳳揚塵
蔽天

今上萬曆十四年保定府一街市傳壁內忽出火三日夜
方息 十六年正月京草廠內巡夜軍見鼓樓內火龍
飛上草垛又夜又見一大蝦蟆在草垛上卧口啣一火
毬又鍾樓內一火龍飛出草垛上隨雲起六垛俱焚
上亦不寔蓋先是夢火神告知故也 是年五月二十
三日夜大雨一聲霹靂有火光入大運倉燒糧六版時
雨如注直至三鼓纔息 陝西巡按御史周盤奏南古

城於十八年十二月二十三日戌時從西方火星飛落
往東洪水去訖隨聽又從西北天鼓鳴響落于東方訖
又姚家寨從西北道火星一道如盆口行至東南方
將落之時天鼓鳴响如雷二刻方止 大同巡撫那价
奏六月初九日酉時陶和地方落火星 二十年四月
陝西巡撫葉夢熊奏三月初六日黃氣蔽天白晝黑暗
徐而變爲紅色天鼓大鳴初七日夜子時從正西虛空
降火一塊如盆口大後生三尾落西北方山東巡撫孫
毓泰奏四月初四日館陶縣正南空中天鼓大鳴聲如雷
震隨見火光向南而下許久方止 二十一年劉巡總
督顧養謙奏二月二十五日三更時分大毛山嶺臺上

旗竿尖有火一塊大如酒鍾并樓上各獸頭俱有火光
一塊如鷄子大其光赤色卽夜雨雪飄淋火上嗟嗟有
聲乞戒飭備 六月順天薊遼撫按李順陳惟芝奏臺
青一百十三號青山口五月初七日五更時分雷響一
聲火光一道從東北徑入臺號內火箭齊發燒死官軍
張木等數十人燒燬火箭五百枝兎六十個兎繩六十
條繩線四十八條繩二十條隨用大將軍砲火藥五十
斤官米六斗程定兎甲一付房上鋪房椽木燒燬多半
四壁俱壞及起火處劈開梁牆裂縫一道并樹木一根
九月直隸巡按章守誠奏據蘇松兵備副使江鐸呈
稱吳淞把總吳繼臣部下派守李家共福船一隻本年

三月二十四日夜遭雷火燬致死把柁兵夫魏應期等四十四名又太倉州公署後有樓一座收貯嘉靖歷年以來軍火器械本年六月十五日知州蔡杲方謁聖廟巡風快手忽報樓內有銃砲聲疾性救之無及晝皆燒燬二十二年六月初二日五更京師震雷異常大雨如注西華門樓火起焚燒殆盡是年六月十九日蘭州衛製造公梁財貯大佛寺火起燒死甘州中衛經歷何原等一十六名二十三年九月順天巡按李頤奏八月二十六日沙蓋頭臺旗杆上紅光若火十一月甘肅巡按田樂奏永寧堡九月二十四日亥時分天晴星朗忽然從東南當空起火光一塊形如屋大往

西北落墜天鼓有聲鳴如震雷又擬涼州永昌鎮番三
衛及寧遠各報災前相同 二十四年正月鳳陽守備
太監杜用奏二十三年十二月二十五日一更時分
陵內西南土城內空處火起沿燒在地草木突於樹巔
忽然火起事出異常 陝西巡撫賈待問奏二月十一
日夜鄠縣雷雨徧地火光十有餘里延綏巡撫李春元
奏二月十八日夜舊安邊營四十六墩佛郎機上火光
二更方息 延綏巡撫李春元奏二月十日等日定宇
四墩房屋上瓦獸口內并旗杆上火焰二三尺不等
順天巡撫李順奏三月十九日四更時分董家口二號
等臺旗杆俱有火光有聲俱向口外落去 六月浙江

巡撫劉元震奏定海衛鎮遠門樓于五月二十五日被
雷火燒焚內貯軍器 二十八年十月應天巡撫趙可
懷奏八月二十二日夜大湖縣地方火光自天降下由
本縣儀門外透 八月二十七日河南懷慶府河內縣
天鼓自西北而來聲如雷飛降一星大如升隨帶火光
墮本縣常平鎮北二里掘之尺許獲一石外黑如鐵中
白如銀形小而甚重非金非石人不可識時姚思仁巡
按河南因上疏其畧謂中原八都實爲天下樞機比年
水潦爲災蝗蝻肆虐閭閻愁歎近復奉 旨採金使者
四出群聚爲合號召狼貪四民之忿盈襟兩河之怨滿
腹以致上千天怒星隕鼓鳴乞召回開採之使大加賑

沔爲福澤 上命禮部知芝

木異

宋高宗紹興十八年六月侯官縣有竹實如米饑民採食之

理宗淳祐九年祠山廟戟門前桂樹上花一簇十有四莖莖間五葉狀如紅梅

遼太宗會同五年十一月武定軍奏松生棗

聖宗統和十二年三月涿州木連理

金宣宗興定四年華州渭南縣民裴德寧家伐樹破其中有赤色太字表裏脗合有司言與唐太曆中成都瑞木有文天下太平者其事頗同蓋太平之兆也乞付史館

元世祖至元十九年處州麗水縣樟樹生梨可食

成宗元貞元年太平路蕪湖縣進榆木有文曰天下太平年

順帝至正三年夏四月兩都桑果葉皆生黃色龍文八年

年九月奉元路桃花 十四年八月冀寧路榆次縣

桃李花 十五年十一月汾州介休縣桃李花 十六

年夏六月彰德路李實如黃瓜 十七年十一月汾州

桃李花 十八年處州山谷中小竹結實如小麥饑民

采食之 二十一年明州象山縣竹穗生實如小米可

食 二十二年明州松樹結實其大有盈尺者 八月

汴梁祥符縣邑中樹木一夕皆爲濕泥塗之 辛卯夏

松江普照寺僧舍一敞帚開花又嘉興儒學閤人陶氏
磨上木肘發青條開白花又吳江分湖里煨工一柳樹
椿以安鐵礎者且十餘年矣發長條數莖如葦三家雖
有此怪而皆無恙實關係國家之氣數 十一年進賢
縣瑞竹生

皇明

成祖永樂四年議建北京工部尚書宋禮取材於蜀得大
木若干於馬湖府計庸萬夫力刊除過路出之一夕木
忽自行達于坦途所經聲吼如雷巨石爲開度越巖阻
膚寸不損百工顧視謹譁踴躍事聞 廷臣稱賀 上
遣官致祭封其山爲神木山 詔有司建祠歲時祭享

以答神貺

孝宗弘治八年乙卯春二月長沙府枯竹開花實如麥米
楓樹生李實黃連樹生黃瓜苦蕒菜開蓮花七日而凋
時巡撫右副都御史徐恪以聞上曰弭災之道在修
人事事關朕身的當自舉行爾兩京文武群臣各處鎮
巡三司等官尤當痛加修省勉盡職務共回天意毋事
虛文

世宗嘉靖四十三年甲子夏五月十四日瑞桃見尚青李
春芳請擇日告廟尋以桃葉無存難于舉行乃寢

草異

宋孝宗淳熙中太平州郊產異麻若靈芝之人以爲祥

寧宗嘉定十七年興國學宮池瑞蓮生嚼花並實

理宗端平元年八月紹慶府黃登進對奏武泰本唐武泰軍節度使因陛下潛藩臣爲紹慶府臣到任後荷生雙頭

端平十年永州陶大社園池中產蓮並頭

遼太祖二年八月幽州進合歡瓜
金衛紹王至寧元年宣宗彰德故園竹開白花如鶯鶯爲藤
俄而入繼大統

元文宗政和五年禁中芭蕉連理

順帝至正丙申丁酉間揚州兵火之餘城中屋址遍生白菜大者重十五斤小者亦不下八九斤有膂力人所負纔四五顆耳 四年萍鄉州治前鳳凰池蓮生一本二

花駢首並蒂 六年夏西澗書院產瑞草靈芝

皇明

太祖洪武五年壬子夏六月嘉禾生于句容張穀賓家圃
雙實同蒂禮部尚書問凱以獻

成祖永樂二十一年八月禮部左侍郎胡濙進瑞光圖及
柳梅靈芝曰奏太岳太和山頂金殿現五色圓光紫雲
同匝不散天山石崖靈芝尚書呂震率百官進賀上
止之

英宗正統八年冬十一月殿上生荆棘高二尺

孝宗弘治八年長圻瘞者黃郡產瓜藤地也有老圃畜一
瓜最巨欲以獻豪門丐者挾籬盜食之老圃持鋤擊丐

者死恐人知卽瘞同內明手其地產尿延蔓及堂前
一大尿如十合已衙官購佳尿僉謂老圃一尿特大
獻之果得十尿錢剖之瓢漿皆赤血異之以視令君大
疑召老圃問汝圃皆若此乎曰否曰汝往年尿若此乎
曰否曰其種必異也令掘根視之根乃出死人口中
者食尿子必滿口故明年產尿而滋液皆胸中血汁故
亦若此老圃遂陳丐者死狀受杖斃獄

穆宗降慶五年四月浙江杭州府栗樹生桃

敬異

宋高宗紹興十五年鄱守晁謙之言臨川禾登九穗足爲
瑞應乞宣付史館

寧宗慶元五年夏勞陵民李祖振獲異麥二本一莖五穗

一本二岐 嘉祐三年四月瑞麥生

理宗景定元年福建提學李伯玉奏建陽縣嘉禾生一本
十五穗繪圖來上詔皇太子始封于建寧爲上瑞其以
建陽爲嘉禾縣 二年四月建康府言瑞麥五莖谷兩
岐 三年四月乙亥嚴州言麥生兩穗 四年九月昌
化縣以嘉禾嘉粟進時四瑾慶成上問休瑞應期一德
感通之驗詠詩賜丞相

度宗咸淳四年秋七月溫州禾異畝同穎

邊穆宗應曆二年九月朔雲州進嘉禾四莖二穗

皇宗統和九年八月朔州作禾生 二十年夏平州獻麥

者 十年彰德路穀麥雙穗 十六年大同路秦城鄉
嘉禾生一莖二穗五穗有九穗者有異莖而同穗者
二十六年五月洛陽縣康家庄有瑞麥一莖四穗二穗
三穗者甚衆太原路出嘉禾瑞麥凡六次 癸巳太平
城北有瑞麥一莖兩岐

皇明

太祖洪武三年庚戌夏五月陝西靈寶縣進瑞麥一莖五
穗者一本三穗者三本兩穗者十有餘本 二十八年
秋九月壬辰朔北平永清衛之龍門生嘉禾異莖同穗
其三餘合爲一仍爲三穗者二二餘合爲一仍二穗者
六是歲大熟時 成祖封北平 命欽之遣使來進

太祖喜親 御翰墨爲詩一章以 賜 成祖

世宗嘉靖八年十一月四川獻瑞麥 是年秋八月初十

日 萬壽節時總督倉場兼理西苑戶部右侍郎劉體
乾以瑞禾獻三穗者四本二穗者九十六本閤臣徐階
等表賀 三十七年閏七月西苑獻嘉禾 上命祭太

廟 四十年八月 御田生嘉穀異謚同本者四十有

九田官以獻 四十一年秋七月 內苑獻嘉禾一莖

三穗者二穗者共三十五本 八月 御田生嘉禾一

莖四穗者三穗者二穗者尤多群臣表賀

始興今楊應隆邇州人言其遠但掘地種竹忽地生經
然有聲得一石甕發之有物數百個長三寸餘見其上

下膚如穀形去膚熟之直是大米香美異當後食皆壽
皆百二三十歲飲其汁者壽亦八九十嘗讀藏經云太
古之世穀長五六寸人壽皆數百歲又圖經稱崑崙之
墟有木禾食者得上壽豈其餘粒耶劉子敦令保昌與
楊令揆壤甚難得之最詳

芝草朱草

宋理宗紹定元年漳州龍江書院仰高堂產瑞芝九莖色
如截肪

度宗咸淳四年玉芝生

金世宗大定五年六月河南府進之草十三本得於芝田
石上薦之太廟甲辰大安殿楹產芝其色如玉 十年

正月鄒州進芝草 二十四年正月徐州進芝十有八莖

章宗明昌元年正月懷州河間等處進芝草

哀宗天興初荆王守純府第產肉芝一株高五寸許色紅鮮可愛旣而枝葉津流濡成血臭不可聞剗而復生者再未幾長子訛可出質守純及宗室皆死青城

元世祖中統二年八月濟州進芝二本 至元元年十二

月當陽覆船山產芝一本五幹高五尺幹皆兩歧相倚附瓊琦如珊瑚枝其高者結爲垂蓋慶雲狀 六年八

月濟南州鄒平縣進芝二本 八年芝產武安文廟大

成殿金色九莖叩之有金玉聲 八月益都進芝二本

十五年四月濟南歷城縣進芝 十九年六月芝生

眉州青城縣景德寺 二十二年六月揚州進芝草

十月長葛郛城各進芝草 二十三年四月江東宣慰

司進芝一本 十月濟寧進芝一本芝產于蒼溪縣

二十六年三月東流縣獻芝 四月池州貴池縣民王

逸進紫芝十二本 六月汲縣民朱良進紫芝 二十

八年三月芝生鉤州翟陽 二十九年六月芝生賀州

大德五年冬十二月興元西鄉縣進芝一本色如珊

瑚 六年正月鄒平縣進芝一本五枝五葉色皆赤

至大四年芝生國學大成殿 延祐二年二月芝生大

成殿 五年七月芝生大成殿又生於工部中書之屋

梁一本七幹

皇明

世宗嘉靖四十三年兩廣都御史吳桂芳進鮮芝三十三本 三十六年冬十月玄岳諸山獻仙芝一千四百十本 巡按馬思臧獻二十本河南巡撫潘恩獻二十三本 南畿御史耿定向獻三十本 四十五年有芝生于太廟第三室乃 睿宗初廟也因 命名玉芝宮

續文獻通考卷之二百二十終